

Universitätsbibliothek Wuppertal

L. Annæi Senecæ Philosophi Opera, Qvae Exstant Omnia

Seneca, Lucius Annaeus <Philosophus>

Antverpiæ, 1615

De constantia sapientis, sive quod in sapientem non cadit iniuria

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-466](#)

L. ANNÆI SENECAE
 DE CONSTANTIA
 SAPIENTIS,
 siue
 QVOD IN SAPIENTEM NON
 CADIT INIVRIA.
B
 ARGUMENTVM ET ORDO.

MAGNI animi, magni ingenij, atque etiam eloquij hoc scriptum: uno verbo, inter optima. Editum sub tempus prioris illius puto, de Tranquillitate: cui vulgo etiam iungunt, male. Diuersum argumentum est, & tali serie. Orditur à Stoicorum laude, quorum Paradoxum tractat, Sapientem non affici iniuria. Quid ergo? aiebat Serenus: non Cato contumelijs affectus, verberibus, & sputis? Ab hac obiectione ingreditur in materiem: et Non est tamen iniurijs, inquit: fuit enim Sapiens, atqui in Sapientem iniuria non cadit. Quod tamen eā mente dici ait, non ut non fiat, sed ut non admittat. Tangi potest iniuria, sed non lədi: à te esse, in illo non esse. Hæc pulcherrimè exsequitur ad Cap. I V. Diuidit deinde dicenda in duas partes, idque à discrimine Iniuria & Contumelia. Priore, negat illam cadere in Sapientem; posteriore, nec istam. De Iniuria, hæc sunt argumenta. Sapiens nullius mali patiens: at malum est Iniuria. Secundum, Iniuria detrahit & diminuit: Sapienti nihil eripitur. habet in se vno omnia reposita, & firmiter, ut Stilpo. Tertium, Fortis ab infirmitate non ləditur: non ergo à Malitia Virus. Hic obijcitur, Atqui Socrates nōne iniuriā damnatus? Ita, sed sine suā iniuria. Illi intulerunt, ipse non accepit: sed sapientiā reiecit. Sicut venenum mihi das, ego antidoto vim eius infringō: scelus tu facis, ego non patior. Quartum argumentum, Iniuria cum Injustitia mixta est: non hæc cadit in Sapientem: minimè ergo illa. Quintum, Sapienti nemo prodest: ergo nec lədit. Sextum, Iniuria à Spe aut Metu est: Sapiens neutro eorum tangitur. Septimum vltimumque, Iniuriam nemo immotus accipit: non mouetur Sapiens. Atque hīc conclusio prioris partis, et adhortatio ad dogma animis accipiendum. Altera erat de Contumeliā, quam explicat Cap. X. quid propriè sit; & tum à Sapiente arcet. Primo, quia Sapiens magnitudinem suam nouit: non ergo contumelia ad eum pertinet, que nomen & rem habet à contemptu. Secundo, Superbi & insolentes inferunt contumeliam: ipse tales spernit: itaque et ab ijs istam. Tertio, Nemo maiorem melioremque contemnit: is est Sapiens. Ergo in se dicta ridet, ut in coniūrijs ioculos puerorum. Sed quid? fert igitur hæc omnia Sapiens? non castigat aut compescit? imò facit interdum: sicut illos pueros solemus: non quia malum ille acceperat, sed quia hi fecerunt. Atque haec tenus (ad Cap. XIV.) in solam Contumeliā, aut Iniuriam: iam mixtim utramque refutat. Hoc argumento, Securitas propria est Sapientis: non est, si alterutram accipit, aut potest accipere. Simile et Epicurei dicunt: et si minus fortiter. Denique leuia pleraque, quibus vulgus offenditur, suadet reūcere, & rideare ne ridearis. Conclusio, Quomodo eungi ad Sapientiam, Quomodo qui peruenit, ferenda iniuria? Illi, cum moris aliquo animi, & adhuc pugnā; huic, sine alterutro, & victor iam agit ante se utramque, & triumphat. Ego itero, magni animi scriptum est: robur ab eo, in temporum hac hominumque cottidianā malitiā, capiamus.

CAPVT

CAPUT PRIMUM.



ANTVM inter Stoicos, Serene, & ceteros sapientiam professois interesse, quantum inter fæminas & mares, non immitò dixerim: cùm vtraque turba ad vitæ societatem tantum conferat; sed altera pars ad obsequendum, altera imperio nata sit. Ceteri sapientes molliter & blandè, ut ferè domestici & familiares medici, ægris corporibus, non quâ optimum & celerrimum est medentur, sed quâ licet: Stoici virilem ingressi viam, non vt amœna incuntibus videatur curæ habent, sed vt quam priuînum nos eripiant, & in illum editum verticem educant, qui adeò extra omnem teli-

B iactum surrexit, vt supra fortunam emineat. At ardua per quæ vocamur, & confragosa sunt. Quid enim plano aditum excelsum? Sed ne tam abrupta quidem sunt, quâm quidam putant. prima tantum pars saxa rupesque habet, & inuij speciem: sicut pleraque ex longinquo speculantibus abscissa & connexa videri solent, cùm aciem longinquitas fallat. Deinde proprius adeuntibus eadem illa, quæ in vnum congesserat error oculorum, paullatum adaperiuntur: tum illis, quæ præcipitia ex interuallo apparebant, redit lene fastigium. Nuper cùm incidisset mentio M. Catonis, indignè ferebas (sicut es iniquitatis impatiens) quòd Catonem ætas sua parùm intellectisset, quòd supra Pompeios & Cæsares surgente, infra Vatinios posuisset: & tibi indignum videbatur, quòd illi dissuasuro legem, toga in foro esset crepta, quodque à Rostris, usque ad arcum Fabianum, per seditiosæ factionis manus tractus, voces improbas, & sputa, & omnes alias

C COMMENTARIUS.



A.P. I. 1. CETEROS.] Cynicos certè excipe, qui duritie & robore super ipsos Stoicos: et si dogmate tamen ferè conueniebant.

2. FÆMINAS.] De Epicuréis, haud abnuam: licenter dictum in alios.

3. DOMESTICI.] Diuites, illo aeo, medicos domi habebant: atque eos ferè è seruis aut libertis.

4. LICET.] Per mollitiem ægri, cui se attemperant.

5. VIRILEM.] Ideò mares, ideò fortes. Noster epist. LXXVII. Amicus noster Stoicus, homo egregius, & ut verbis illum, quibus laudari dignus est, laudem, vir fortis ac strenuus. Ecce tamquam de viro, imò de milite. In epist. LXXXIV. Zenon huius sanctissimæ fortissimæque sectæ conditor. Et ita me Deus (pauca excipio) talis fuit.

6. EDITVM VERTICEM.] -- Sapientum templum serena.

Despicere vnde queas alios, passimque videre Errare, atque viam palantes querere vitæ.

7. PLANO.] Per planum. Si ad excelsa tendis, scandendum connitendumque est per arrecta, & sèpè aspera.

8. VIDERI SOLENT.] Nobis planè (nam memini) cùm in Italiam ituri, primo vidimus Alpes.

9. LENE FASTIGIVM.] Quod medie valles faciunt, & per cliuos in cliuos adscensus.

10. ÆTAS SVA.] Quid mirum? Et sua riserunt

secula Mæoniden. Inuidia hæc est nobis insita, & Naturaliter (ait Velleius) audita visis laudamus libentiūs, & præsentia inuidiā, præterita veneratione prosequimur: & his nos obrui, illis instrui credimus.

11. INTELLEXISSET.] Interpretata virtutes eius, ut decebat, esset: atque easdem deinde estimasset.

12. SVRGENTEM.] Et attollendum ab omnibus, si merita pendantur.

13. VATINIOS.] Vatinius, inter probra sui enī, ore atque animo iuxta fædus. Sed Cato tamen ei in petitione Præture posthabitus.

14. LEGEM.] An Metelli Tribuni, qui Pompeium in Italiam cum copijs vocabat? an Cæsar, de agro Campano diuidendo? Vtique enim animosè Cato se opposuit, & per contumelias, probra, violentiam reiectus. Plutarchum & Dionem vide, & Senecam ipsum epist. XIV.

15. A ROSTRIS.] Vbi lex ferebatur, quæ ipse ad impedientum concenderat.

16. AD ARCVM.] Qui erat in primâ Sacrâ viâ, haud procul templo Faustine. Trebellium in Salonio vide, Ciceronem pro Plancio. Asconius II. in Verremita, ad hæc verba Tully, Fornicem Fabianum: Arcus est iuxta Regiam, in Sacrâ viâ, à Fabio Censiore constructus, qui à deuictis Allobrogibus, Allobrox cognominatus est: ibique statua eius posita propterea est.

alias insanæ multitudinis contumelias pertulisset. Tunc ego respondi, habere te quòd A Reipublicæ nomine mouereris, quam hinc P. Clodius, hinc Vatinius, ac pessimus quisque vñundabat: & cæcā cupiditate corrupti, non intelligebant, se, dum vendunt, etiam ¹⁷ vñire.

III. Pro ipso quidem Catone securum te esse iussi. Nullum enim sapientem nec iniuriam accipere, nec contumeliam posse: Catonem autem ¹⁸ certius exemplar sapientis viri nobis deos immortales dedisse, quām ¹⁹ Vlixem & ²⁰ Herculem prioribus sacerulis. Hos enim Stoici nostri sapientes pronunciauerunt, inuictos laboribus, & contemptores voluptatis, & victores omnium ²¹ terrarum. Cato cum feris manus non contulit, quas consecrari venatoris ²² agrestisque est: nec monstra ²³ igne ac ferro persecutus est, nec in ea tempora incidit, quibus credi posset cælum ²⁴ vnius humeris inniti, excusâ iam antiquâ credulitate, & sæculo ²⁵ ad sumimam perducto solertiam. Cum ambitu congressus, multiformi malo, & cum potentia immensa cupiditate, quam totus orbis ²⁶ in tres diuisus ²⁷ satiare non poterat, aduersus vitia ciuitatis degenerantis, & pessimum suâ mole ²⁸ sidentis, stetit solus, & cadentem Rempublicam, quantum modò ²⁹ vñâ re- B trahi manu poterat, retinuit: donec vel abreptus, vel abstractus, comitem se diu sustentatæ ruinæ dedit: ³⁰ simulque exstincta sunt, quæ nefas erat diuidi. Neque enim Cato post libertatem vixit, nec libertas post Catonem. Huic tu putas iniuriam fieri potuisse à populo, quòd aut præturam illi detraxit, aut ³¹ togam? quòd sacrum illud caput purgamentis oris aspersit? Tutus est sapiens, nec vñâ affici aut iniuriâ, aut contumeliâ potest.

III. Videor mihi intueri animum tuum incensum, & efferuescente. pàras acclamare: Hæc sunt quæ auctoritatem ³² præceptis vestris detrahant. ³³ magna promittitis, & quæ ne optari quidem, nedum credi possint: deinde ingentia locuti, cùm ³⁴ paupere in negatis

17. VÆNIRE.] Nam & ipsorum libertas, atque adeo ipfi, cum republicâ peribant.

CAP. II. 18. CERTIVS EXEMPLAR.] In veteri Florido:

Quippe malo vnum Catonem, quām trecentos Socrates: inuidendâ laude.

19. VLIXEM.] Homeris scriptis notum. qui eum sane, non patientem solum, sed & tam pñne facit. ut in illo uxoris sue primo adspectu, à virginii annis: cùm ea ignorans illum, ad Vlyssis sui nomen collacruasset; ipse nihil mouetur, nec vel leniter tenere scit, sed, ut poëta ait,

O'φθαλμοὶ δ' ὀσεὶ νέρει ἔσασται, οὐ σίδηρος:

Illi oculi stabant, ut ferrum, aut cornua dura. Profecto Stoicus fuit: quid ipse? imò & Homerus, ut Stoici (magni eius miratores) volebant.

20. HERCVLEM.] Quem Cynici exemplar habebant roboris, & perseveriæ. Diogenes ille, nobilis canis, dicere solitus, τὸν ἀντὸν χαρακτῆρας βίου διεξάγειν, ὅν περὶ τὴν Ἡρακλῆν: eamdem vitæ formam, & tenorem se exsequi, quem Hercules. Et ab isto sane Philosophorum ille, in solenni habitu, baculus, qui clavis eius respondebat: ab Vlysse Pera, cui scilicet Minerua, ut peregrino mendico, circumposuit cincta πήπνυ, sordidam & indecoram peram.

21. TERRARVM.] Ego terrorum puto. Nam illud sane falsum, præserium in Vlysses.

22. AGRESTISQUE EST.] Nec Romani nobiles in hoc studio.

23. IGNE AC.] Ausonius in XII. laboribus Herculis:

Lernæam ferro ac face contudit Hydram.

24. VNIVS.] Sine Atlantis, sine Hercolis qui in succollando ei succedit.

25. AD SVMMAM.] De nostro idem dixerim. utinam cum antiquâ simplicitate, nec antiqua virtus excussa!

26. IN TRES.] Cæsarem, Pompeium, Crassum. Lucanus: Facta tribus dominis communis Roma.

27. SATIARE.] Imò nec duos deinde (sublato Crasso) satiauit.

— populique potentis,
Quæ mare, quæ terras, quæ totum possidet
orbem,
Non cepit Fortuna duos.

28. SIDENTIS.] Ut grauia & magna aedificia, fundamentis lapsantibus. Liuius in eadem re, eodem verbo: Velut desidentes primò mores sequatur animo, deinde ut magis magisque lapsi sint.

29. VNA MANV.] Quæ proverbio afferitur infirma. Euripides: - μιᾶς γδ̄ χειρὸς ἀθενὲς μέχην: - vnius robur infirmum manus.

30. SIMVL EXSTINCTA.] Ergo vel hinc interpretemur De Tranquill. cap. xv. Cogitum simul de se ac de rep. palam facere: utriusque funus simul aperire.

31. TOGAM.] Dum trahit, trudit, vellitat.

CAP. III. 32. PRÆCEPTIS VESTRIS.] Stoicis.

33. MAGNA PROMITTITIS.] Ipse ita Chrysippus: Διδοὺς διὰ τὴν ὑπερβολὴν τῷ τε μεγέθους, καὶ τῷ καλλους, πλάσματα δοκοῦσθε δύοις λέγειν, καὶ τῷ τὸν αὐθωντὸν, καὶ τὸν ἀνθρωπὸν φύσιν: Quare ob excellentiam magnitudinis & pulchritudinis, videamus fabulis similia dicere, nec pro homine omnino vel humanâ naturâ.

34. PAYEREM NEGASTIS.] Illi vero negant, imò

A stis esse sapientem, non negatis solere illi & seruum, & vestem, & tectum, & cibum deesse; cum sapientem ³⁵ negastis insanire, non negatis & alienari, & parum sana verba emittere, & quicquid vis morbi cogit, audere; cum sapientem negastis ³⁶ seruum esse, ijdem non itis infitias, & venum iturum, & imperata facturum, & domino suo seruilia præstiturum ministeria. Ita, sublato altè supercilio, ³⁷ in eadem quæ ceteri, descenditis, mutatis rerum nominibus. Tale itaque aliquid & in hoc esse suspicor, quod priuâ spe-
cie pulchrum atque magnificum est: nec iniuriam, nec contumeliam accepturum esse sapientein. Multum autem interest, utrum sapientem ³⁸ extra indignationem, an extra iniuriam ponas. Si dicas illum æquo animo laturum; nullum habet priuilegium. con-
tigit illi res vulgaris, & quæ discitur ipsa iniuriarum assiduitate, patientia. Si negas acce-
pturum iniuriam, id est, neminem illi tentaturum facere; omnibus relictis negotijs, Sto-
cuscus fio. ³⁹ Ego vero sapientem non ⁴⁰ imaginario honore verborum exornare constitui,
sed eo loco ponere, quoniam nulla ⁴¹ permittatur iniuria. Quid ergo? nemo erit qui lacescat,
B qui tentet? Nihil in rerum naturâ tam sacrum est, quod sacrilegum non inueniat: sed non
ideo diuina minus in sublimi sunt, si existunt, qui magnitudinem, multum ultra se po-
sitam, non icturi petant. Invulnerabile est, non quod non feritur, sed quod non laeditur.
⁴² Ex hac tibi notâ sapientem exhibeo. Numquid dubium est, quin certius robur sit,
quod non vincitur, quoniam quod non lacescit? cum dubiae sint vires inexpertæ: at me-
ritò certissima firmitas habeatur, quæ omnes incursus respuit. Sic tu sapientem melioris
scito esse naturæ, si nullius illi iniuria nocet, quoniam si nulla fit. Et illum forte virum di-
cam, quem bella non subigunt, nec admota vis hostilis exterret: non cui pingue otium
est, inter desides populos. Huiusmodi igitur, sapientein nulli esse iniuriæ obnoxium.
Itaque non refert, quoniam multa in illum ⁴³ conijcantur tela, cum sit nulli penetrabilis.
Quomodo quoruindam lapidum inexpugnabilis ferro duritia est, nec ⁴⁴ secari adamas,

aut

C imò solum diuitem, solum regem esse sapientem. Sed quo sensu? quem apud me videre est, Manud. III. Dissertat. XI.

35. NEGASTIS INSANIRE.] Nam soli & omnes stulti insaniunt, ex Stoico dogmate: sapiens minime. Horatius:

Quem mala stultitia, & quæcumque inscitia veri,

Cecum agit; insanū Chrysippi porticus & grex Autumat. hæc populos, hæc magnos formula reges,

EXCEPTO SAPIENTE, tenet.

D Atqui alienatur, ut sequitur in Senecâ. Respondent, quod verbus Stoicorum dicam. Τὸν σοφὸν εἰ μανίσειδι. περισπεσθεῖσαι μέντοι ποτὲ ἀντεῖ φαγτασίας ἀλλοκότους, διὰ μελαγχολίαν ἢ λύρωσιν, εἴ τον τῷ αἰρετῷ λόγῳ, ἀλλὰ τῷ φύσιν: Sapientem insaniam affectum non iri. Accidere tamen illi interim & euenire imaginationes absurdas, à bile atrâ vel aberratione mentis; non autem à deflexu rationis in eligendo, sed præter naturam. Plura in Manu-
duct. III. Dissert. XVIII.

36. SERVVM ESSE.] Imò ille solus liber, sed hec & talia omnia ad animum referuntur & decreta sa-
piensis, quæ nulla vis aut fortuna eripit: et si in corpo-
re, & quæ circa illud, mutat.

37. IN EADEM.] Ipse iterum De Benefic. II. cap. XXXV. A consuetudine quædam, quæ dici-
mus, abhorrent: deinde aliâ viâ ad consuetudinem redeunt. Et est hoc in omnibus Stoicorum Ino-
pinatis: quæ magnificè dicta, vt animos attollant,
nihil à naturâ aut bono more discedunt. Interpretatione mitigantur. quod ridet tamen Plutarchus

Aduersus Stoicos, & cum Archilocheio illo compa-
rat: Τῇ μὲν ὑδωρ δολοφεγνέουσα χειρὶ, τῇ δὲ πῦρ
περισταγεται: Vnâ manu aquam subdola fert,
ignem alterâ.

38. EXTRA INDIGNATIONEM.] Id est, utrum
dicas cum non estimare iniuriam, an non habere.

39. EGO VERÒ.] Haec tenus Serenus, respondet
Seneca.

40. IMAGINARIO.] Assimilato, non vero. Imag-
inarij contractus (*in iure*) in quibus fides facti si-
mulatur, non intercedente veritate. Et Seneca
Imaginaria paupertas, epist. XXVIII.

41. PERMITTATVR.] Sisenna: Multi præmissis
armis, ex summo se permettent. Linius: Con-
citant equos, permituntque in hostes. Seneca
II. De Clem. Etiam ad calamitosos bonitatem
suam permittere. De ipso autem Paradoxi sensu, nos
in Manud. III. Dissert. XVIII.

42. EX HAC NOTA.] Huius commatis & gene-
ris. Apuleius, pro totâ sententiâ, De Philosophia:
Non enim sapiens eam contumeliam putat, quam
improbus faciat; sed eam non putat, quam pa-
tientia firmiter toleret.

43. CONIICANTVR TELA.] Idem De Irâ, III.
cap. v. At ille ingens animus, & verus æstimator
sui, non vindicat iniuriam, quia non sentit. Ut tela
à duro resiliunt, & cum dolore cædentes solida
feriuntur: ita nulla magnum animum iniuria ad
sensem sui dicit, fragilior eo quod petit.

44. SECARI ADAMAS.] Plinius XXXVII.
cap. IV. Quippe duritia enarrabilis est, igniumq;
etiam viætrix natura. Vnde & nomen indomita
vis Græcâ interpretatione accepit.

aut cædi,⁴⁶ vel deteri potest, sed incurientia vtrò retundit: quemadmodū quedam non A possunt igne consumi, sed flammā circumfusā, rigorem suum habitumque conseruant: quemadmodum proiecti in altum⁴⁷ scopuli mare frangunt, nec ipsi vlla sauitiae vestigia, tot verberati sœculis, ostentant: ita sapientis animus solidus est, & id roboris collegit, vt tam tutus sit ab iniuriâ, quām illa quæ retuli. Quid igitur? non erit aliquis qui sapienti facere tentet iniuriam? tentabit, sed non peruenturam ad eum. Maiore enim interuallo à contactu inferiorum abductus est, quām vt vlla vis noxia vsque ad illum vires suas perferat. Etiam cùm potentes, & imperio editi, &⁴⁸ consensu seruientium validi, nocere ei tentent: tam citra sapientem omnes eorum impetus deficient, quām quæ⁴⁹ neruo tormentisve in altum exprimuntur, cùm extra visum exsiliunt, citra cœlum tam flectuntur. Quid tu putas, cùm stolidus⁵⁰ ille rex multitudine telorum diem obscurasset, vllam sagittam in Solem incidiſſe? aut demissis in profundum catenis⁵¹ Neptunuī potuisse contingi? Vt cœlestia humanas manus effugiunt, & ab his qui templam diruunt, aut simulacra conflant, nihil diuinitati nocetur: ita quicquid sit in sapientem B proterue, petulanter, superbè, frustrà tentatur. At satius erat, neminem esse qui facere vellet. Reim difficilem optas humano generi, innocentiam. At non fieri, eorum interest qui facturi sunt, non eius qui pati, ne si fiat quidē, non potest. Imò nescio, an magis vires sapientia ostendat tranquilla inter laceſſentia: sicut maximum argumentum est imperatoris armis virisque pollentis, tuta securitas & in hostium terrâ. Diuidamus si tibi videntur, Serene, iniuriam à contumeliâ. prior illa⁵² naturâ grauior est: hæc leuior, & tantum delicatis grauis: quā non læduntur, sed offenduntur. Tanta est tamen animorum dissolutio & vanitas, vt quidam⁵³ nihil acerbius putent. Sic inuenies seruum, qui flagellis⁵⁴ quām colaphis cædi malit, & qui mortem ac verbera tolerabiliora credat, quām contumeliosa verba. Ad tantas ineptias peruentum est, vt non dolore tantum, sed doloris opinione vexemur: more puerorum, quibus metus incutit vmbra, & personarum deformitas, & deprauata facies; lacrimas verò euocant nomina parum grata auribus, & v. digitorum motus, & alia, quæ impetu quodam erroris improuidi refugunt. Iniu- C ria propositum hoc habet, aliquem malo afficere: malo autem sapientia non relinquit locum. Vnum enim malum illi est turpitude: quæ introire eò, vbi iam virtus honestumque est, non potest: iniuria ergo ad sapientem non peruenit. Nam si iniuria alicuius mali patientia est, sapiens autem nullius mali est patiens, nulla ad sapientem iniuria pertinet. Omnis iniuria deminutio eius est, in quem incurrit. nec potest aliquis iniuriam accipere sine aliquo⁵⁵ detimento vel dignitatis, vel corporis, vel rerum extra nos positarum: sapiens autem nihil perdere potest, omnia in se reposuit, nihil fortunæ credit, bona sua

46. VEL DETERI.] Olim creditum, falsum ait Garcias Hispanus, aliquot experimentis: Nam & in scobem malleolo redigi, & in mortario teri pistillo ferreo.

47. SCOPULI.] Eadem imago De Vitâ beatâ, cap. XXVII.

CAP. IIII. 48. CONSENSU SERV.] Linius: Imperij vires in consensu obedientium sunt.

49. NERVO TORMENTISVE.] Catapulsi, aut ballistis.

50. ILLE REX.] Xerxes.

51. NEPTVNVM.] Valerius: Grauem illum & mari & terræ Xerxem, nec hominibus tantum terribilem, sed Neptuno quoque compedes, & cælo tenebras minitantem. Iuuenalis:

Ipsum compedibus qui vinixerat Ennosigem. Herodotum vide lib. VII.

52. NATVRA GRAVIOR.] Reipsa, quia damnum & lesionem afferit, Cap. sequenti.

53. NIHIL ACERBVS.] Imò generosi animi putatur ille affectus, non tantum (vt ipse

autumat) delicati. Ita apud Pacuvium quispiam: Patior facile iniuriam, si est vacua à contumeliâ.

Alius apud Cecilium, gradatione:

Facile ærumnam ferre possum, si inde abest iniuria:

Etiamque iniuriam, nisi contrâ constat contumeliâ.

Adeò illud contemni offendit, à quo contumelia. Vide mox Cap. X.

54. QVAM COLAPHIS.] Nam flagella recepta in castigatione seruorum: at colaphis ludi-brum & irrisio inesse videntur, quamquam hi leuiores. Demosthenes tali affectu: Οὐδὲ γὰρ τὸ τύπεδαι τοῖς ἐλαθέεσι δεινόν, καὶ ωρὸν δεινόν, αἱ λαζαὶ τὸ ἐφ' ὑπερεῖ: Non enim verberari liberis hominibus tam graue, eti graue; quām quod per contumeliam.

CAP. V, 55. DETRIMENTO VEL.] Ita Iurisconsulti definiunt Iniuriam, damnum culpâ datum.

56. VIR-

A sua in solido habet, contentus virtute, quæ fortuitis non indiget. Ideoque nec augeri, nec minui potest. nam in summum perducta, incrementi non habent locum. Nihil eripit fortuna, nisi quod dedit: ⁵⁶ virtutem autem non dat: ideo nec detrahit. Libera est, inuiolabilis, immota, inconcussa, sic contra casus indurata, ut nec inclinari quidem, ne dum vinci possit. Aduersus apparatus terribilium, ⁵⁷ rectos oculos tenet, nihil ex vultu mutat, siue illi dura, siue secunda ostentantur. Itaque nihil perdet, quod perire sensurus sit. Vnius enim in possessione virtutis est, ex quâ depelli numquam potest: ceteris ⁵⁸ precariò vtitur. quis autem iacturâ mouetur alieni? Quod si iniuria nihil lñdere potest ex his quæ propria sapientis sunt, quia virtute suâ ⁵⁹ salua sunt: iniuria sapienti non potest fieri. ⁶⁰ Megara Demetrius ceperat, cui cognomen Poliorcetes fuit. ab hoc Stilpon philosophus interrogatus, numquid perdidisset, *Nihil*, inquit: ⁶¹ omnia namque mea mecum sunt. Atqui & patrimonium eius in prædam cesserat, & ⁶² filias rapuerat hostis, & patriam. At ille victoriam illi excusit: & se, vrbe captâ, non inuictum tantum, sed indemne esse testatus est. habebat enim secum vera bona, in quæ non est ⁶³ manus iniectionis.

B At ea quæ dissipata & direpta ferebantur, non iudicabat sua, sed aduenticia, & nutum fortunæ sequentia: ideo non ut propria dilexerat. Omnia enim extrinsecus affluentium lubrica & incerta possessio est. Cogita nunc, an huic fur, an calumniator, aut vicinus potens, aut diues aliquis ⁶⁴ regnum orbæ senectutis exercens, facere iniuriam possit, cui bellum & hostis ille, egregiam ⁶⁵ artem quassandarum vrbium professus, eripere nihil potuit. Inter micantes vbique gladios, & militarem in rapinam tumultum, inter flamas & sanguinem stragemque impulsæ ciuitatis, inter fragorem templorum super deos suos cadentium, vni homini pax fuit. Non est itaque quod audax iudices promis-

sum:

C 56. VIRTUTEM NON DAT.] *Est illud Attij, apud Nonium:*

- nam si à me regnum fortuna atque opes

Eripere quiuit, at virtutem non quijt.

57. RECTOS OCULOS.] *Confidentia notam. Suetonius Augusti, cap. XVI. Eum nec rectis oculis adspicere potuisse instructam aciem. Hierax apud Stobæum: Τας δὲ υπὸ ἐλεύθεριας ἐλέγχοντας, ὃς ἢδεν ὁρθοῖς τοῖς ὄφθαλμοῖς ἀνέχεται: Qui verò per libertatem redarguunt, eos nec rectis oculis adspicere sustinet. Theocritus:*

-- ἀχθομαι, εἰ τού με τολμῆσ

Οὐμασι τοῖς ὄφθοσι ποτε λέπειν:

— indignor, si mihi contrâ

Vel rectis oculis ausis obfistere.

58. PRECARIÒ.] *At Precarij lex, uti quamdiu is patitur, qui dedit.*

D 59. SALVA SVNT.] *Valent, vi suâ se tuerunt & seruant: nemo in illa potest. Tamen nec nolim: Virtute te suâ saluâ, salua sunt.*

60. MEGARA DEMETRIVS.] *Bis ea vrbis capta, haud multum diuerso tempore; & semper cum monumento constantiae huius in Stilpone. Prior ceperat Ptolomaeus Soter, & Stilponem pro magno ducens abducere, pecuniam & preces obiulit ut secum in Aegyptum iret: quod renuit, & in afflictâ patriâ mansit. Iterum deinde iste Demetrius. & cum ei quoque notitia & cura huius viri esset, domum illi seruari, & res omnes restitui iussit. Monitus igitur, ut scriptio complectetur, nobilè hanc vocem edidit; Mn̄dēv τῶν οἰνείων διολωλέναι. παιδείαν δὲ μηδένα ἔξενον γένειαι, τόν τε λόγον ἔχειν οὐδὲ τὸ ποτίσμα: Nihil suum amisisse. cruditionem enim neminem abstulisse, & rationem sibi scientiamque reliquam. Ita enim haec à Diogene efferuntur. Stilpo autem, cum alia ma-*

gnus, tum hoc nomine, quod Cratetem & Zenonem habuerit in suâ disciplinâ.

61. OMNIA NAMQ VE.] *Hoc Biantis dicto magis conuenit. qui Priene suâ captâ, cum aliud fugiens auferret: Tu nihil? Nihil, inquit. nam omnia mea mecum porto.*

62. FILIAS RAPVERAT.] *Vnius filia Diogenes meminit, atque eius parum pudicea.*

63. MANVS INIECTIO.] *Domirij & vindicationis signum. In legibus XII. Post deinde manus endojectio esto. Noster Consol. ad Helen. cap. XI. Animus ipse facer & æternus, cui non possit injici manus. Seruius in hoc Virgili: Iniecere manus Parcae. Vsus est sermone iuris. nam manus iniectionis dicitur, quoties non expectata auctoritate iudicis, rem nobis debitam vindicamus.*

64. REGNUM ORBÆ.] *Nam orbi isti gratiost, imò imperiosi, & potentes obsequientium potentia. Capitatores vndique iamminebant, & subseruiebant. Ammianus: Vile esse, quidquid extra pomœrium vrbis nascitur, existimant, præter orbos & cælibes: nec credi potest, quâ obsequiorum diuersitate colantur homines sine liberis. Iuuenalis:*

— dominus tamen, & domini rex

Si vis tu fieri, nullus tibi paruulus aulâ

Luscerit Æneas.

Cicero in Paradoxis: Hereditatis spes, quid iniquitatis seruiendo non suscipit? quem nutum locupletis orbi senis non obseruat? Adde Senecam Consol. ad Marciam, cap. XIX.

65. ARTEM QVASSAND.] *Ideo Poliorcetes Gracis, sine Vrbicapus dictus: & machinæ aliquot, & decantata illa Helepolis, ipsius innuenti fuerunt.*

sum : cuius tibi, si parum fidei habeo, sponsorem dabo. Vix enim credis tantum firmi-
tatis in hominem , aut tantam animi magnitudinem cadere. sed si prodit in medium,
VI. qui dicat: Non est quod dubites, an attollere se homo natus supra humana possit, an
dolores, damna, ylcerationes, vulnera, magnos motus rerum circa se frementium securus
adspiciat, & dura placide ferat, & secunda moderata; nec illis cedens, nec his fretus, vnu-
idemque inter diuersa sit, nec quicquam suum, nisi se putet esse, ⁶⁶ eâ quoque parte quâ
mclior est. Assim hoc vobis probaturus, sub isto tot ciuitatum euerore, munimenta in-
cursu arietis labefieri, & ⁶⁷ turrium altitudinem cuniculis ac latentibus fossis repente re-
sidere, & æquaturum editissimas arces aggerem crescere: at nulla machinamenta posse
reperiri, quæ benè fundatum animum agitant. Erepst modo è ruinis domus, & incen-
dijs vndique relucentibus, per flamas, per sanguinem fugi. Filias meas qui casus ha-
beat, ⁶⁸ an peior publico, nescio. Solus, & senior, & hostilia circa me oīnnia videns, ta-
men integrum incolumemque esse censem meum profiteor, teneo, habeo quicquid inci-
habui. Non est quod me victum, victorem te credas. vicit fortuna tua fortunam meam. B
Caduca illa, & dominum mutantia, vbi sint nescio: quod ad res meas pertinet, mecum
sunt, mecum erunt. Perdiderunt isti diuities patrimonia; libidinosi amores suos, & ma-
gno pudoris impendio dilecta scorta; ambitiosi curiam & forum, & ⁶⁹ loca exercendis in
publico vitijs destinata; fœneratores perdiderunt ⁷⁰ tabellas suas, quibus auaritia falsò
laeta, diuitias imaginatur: ego quidem omnia integra illibataque habeo. Proinde istos
interroga qui flent, qui lamentantur, strictis gladijs nuda pro pecuniâ corpora opponut,
qui hostem onerato sinu fugiunt. Ergo ita habe, Serene, perfectum illum virum, hu-
manis diuinisque virtutibus plenum, nihil perdere. Bona eius solidis & inexsuperabili-
bus munimentis præcincta sunt. Non Babylonis illi muros contuleris, quos Alexander
intravit: non Carthaginis aut Numantiæ mœnia, ⁷¹ vnâ manu capta: non ⁷² Capito-
lium, arcemve; ⁷³ habent ista hostile vestigium. Illa quæ sapientem ruentur, à flammâ
& ab incursu tuta sunt: nullum introitum præbent, excelsa, inexpugnabilia, ⁷⁴ dijs
VII. æqua. Non est quod dicas, ita ut soles, hunc sapientem nostrum nusquam inueniri. C
Non fingimus istud humani ingenij vanum decus, nec ingentem imaginem falsæ rei
concipimus, sed qualem confirmamus, exhibuimus, & exhibebimus. ⁷⁵ Rarò forsitan,
magnisque ætatum interuallis inuenitur. neque enim magna, & excedentia solitum ac
vulgare in modum, crebro gignuntur: ceterum hic ipse M. Cato, à cuius mentione hæc
disputatio processit, vereor ne ⁷⁶ supra nostrum exemplar sit. ⁷⁷ Denique validius debet
esse

CAP. VI. 66. EA QVOQVE PARTE.] Id
est, nec se quidem totum pro suo habet; sed animum,
quo propriè est homo.

67. TURRIVM ALTIT.] Hæc & sequentia in
Poliorceticis explicanimus.

68. AN PEIOR PUBLICO.] Quomodo peior, si
patria diruta & incensa? An quia illa renasci potuit,
homini, cùm semel occidit, negatum? An publicum
ad vulgus aliosq; refert: qui honestè perierunt, ista
cum dedecore, aut post illud viuant?

69. LOCA EXERCENDIS.] Nam in curiâ, co-
mitio, foro, ambitio, auaritia, fraudes habitant; ac
specie etiam honesti.

70. TABELLAS.] Contractuum, & cautionum.
Glossæ: Tabularius, φυλακτήρος ῥῷστημαλαίων:
custos contractuum. Nam tales etiam priuatim
apud diuities erant. ut in epist. LXXXVIII. Cuius
patrimonium tabularios lassat.

71. VNA MANV.] Scipionis posterioris
Africani.

72. CAPITOLIVM, ARCEMV.] Ergo hæc
diuersa, et si in uno Saturnio monte. Nam pars
extrema, Arcem regum tempore habuit, & postea
etiam sic dicta. Cicero in Catilinam: Vobis ar-

cem & Capitolium commendat. Linius: Serui
Capitolium atque arcem occupauere. Eam àneq; Dionysius plus semel nominat; additq; libro x.
τῷ Καπιτολίῳ εἴναι τοξεχν: contiguam Capito-
lio esse. Spectabat in eam partem, vbi posteà
theatrum Marcelli fuit.

73. HABENT ISTA.] Nemtemus. licet, inquit,
ibi notare hostium vestigia; & capita fuere aliquando.
Nonne à Tatio Sabino, & ab Ap. Herdonio duce ser- D
uorum? Itaque habent, non tantum pauent, ut mihi
aliquando visum fuit, moto dubitatione aliorum.

74. DIIS & QVA.] In sorte deorum, qui tui
& inaccessi.

CAP. VII. 75. RARÒ FORSITAN.] Nimiris
rarò. atque ut ipse (epist. XLII.) tanquam Phœ-
nix, semel anno quingentesimo. Vide Manud. II.
Dissert. VIII.

76. SVPRA NOSTRV.] Non sapientis illius,
sed super communem nostram sortem. Vir eximius
fuit, & proximus vero sapienti, aut ipse.

77. DENIQVE VALIDIVS.] Asterisco
insigniri volunt, & defectum esse. Dubito. videtur
potius à digressiuncula & exemplo ad dissertandum
uerum redire.

A esse quod lœdit, eo quod lœditur: non est autem fortior nequitia virtute: non potest ergo lœdi sapiens. Iniuria in bonos non tentatur nisi à malis: bonis⁷⁸ inter se pax est. Quod si lœdi nisi infirmior non potest: malus autem bono infirmior est: nec iniuria bonis, nisi à dispari, verenda est: iniuria in sapientem virum non cadit. Illud enim iam non es admonendus, neminein bonum esse, nisi sapiente. Sed iniuste, inquis, Socrates damnatus est, iniuriam accepit. Hoc loco intelligere nos oportet, posse euenire, ut faciat aliquis iniuriam mihi, & ego non accipiam: tamquam si quis rei cùm è villâ meâ surripuit, in domo meâ ponat: ille furtum fecerit, ego nihil perdiderim. Potest aliquis nocens fieri, quamuis non nocuerit. Si quis cum vxore, tanquam cum alienâ concubat, adulter erit, quamuis illa adultera non sit. Aliquis mihi venenum dedit, sed vim suam⁷⁹ remixtum cibo perdidit: venenum illud dando, scelere se obligauit, etiam si non nocuit. Non minùs latro est, cuius telum⁸⁰ oppositâ veste elusum est.⁸¹ Omnia scelerata etiam ante effectum operis, quantum culpæ satis est, perfecta sunt. Quædam eius condicione sunt, & hac vice copulantur, ut alterum sine altero esse non possit. Quod dico, conabor facere manifestum. Possum pedes mouere, ut non currat: currere non possum, ut pedes non moueam. possum, quamuis in aquâ sim, non natare: si nato, non possum in aquâ non esse. Ex hac sorte & hoc est, de quo agitur. si iniuriam accepi, necesse est factam esse. si est facta, non est necesse accepisse me. Multa enim incidere possunt, quæ submoueant iniuriam. Ut intentam manum deijcere casus potest, & emissa tela declinare: ita iniurias qualescumque potest aliqua res depellere, & in medio intercipere, ut & factæ sint, nec acceptæ. Prætereà, nihil iniustum iustitia pati potest: quia non coëunt contraria: iniuria autem non potest fieri non iniuste: ergo sapienti iniuria non potest fieri. Nec est quod mireris, si nemo potest illi iniuriam facere,⁸² nec prodesse quidem quisquam potest. & sapienti nihil deest, quod accipere possit loco imuneris: & malus nihil potest tribuere sapienti. Habere enim priùs debet, quād dare: nihil autem habet, quod ad se transferri sapiens gauietur. Non potest ergo quisquam aut nocere sapienti, aut prodesse: quemadmodum diuina nec iuuari desiderant, nec lœdi possunt.

viii.

78. INTER SE PAX.] Atque amicitia etiam: quæ inter malos numquam, sed factio tantum.

79. REMIXTVM CIBO.] Qui vim & acrimoniam eius infregit: siue stomacho materiem reijciendi dedit. At ieunis venena sumpta, mortifera sunt certissimò, & in venas statim eunt.

80. OPPOSITA VESTE.] Est Catulli illud:

Quare nostela ista tua euitamus amictu: quod pulchrâ imagine dictum, nolim mutari. Vestis oppansa, etiam grauia tela eludit: Poliorcetica nostra dicent.

81. OMNIA SCELERA.] Ita est, ubicumque asfensus, & magis si conatus, accessit; culpa contrahitur, sapè etiam pæna. Apuleius IV. Floridor. In maleficijs, cogitata etiam sclera, non adhuc perfecta, vindicantur, cruentâ mente, purâ manu. Noster De Benefic. V. cap. XIV. Latro est, etiam antequam manus inquiet, qui ad occidendum iam armatus est, & habet spoliandi atque interficiendi voluntatem. Exercetur atque aperitur opere nequitia, non incipit. Sed non confusa tamen pæna: dum taxat in grauioribus, atque ut Apuleius dixit maleficijs, ubi boni publici interest etiam conatus infringi. Alioqui Catonis Censorij illud verum (apud Agellium VII. cap. IIII.) Ecquis est tandem nostrum, qui quod ad se attinet, æquum censeat, quemquam pœnas dare ob eam rem, quod arguatur male facere voluisse? nemo opinor. Quid nunc, ecqua lex tam acerba est, quæ dicat, Siquis illud

sapiens facere voluerit, mille nummi, dimidium familie, multa esto? Et Iurisconsultus I. XVIII. De pœnis: Cogitationes netmo pœnâ luit. Item Triphoninus I. CCXXV. De verb. sig. Seruum, qui consilium fugiendi habeat, non esse fugitiuum. item furem, adulterum, aleatorem: atque oportere hæc crimina adsumpto actu intellegi. Que vera sunt in minoribus, vel ubi tentatio accessit: in grauioribus minimè, & pœnam trahunt. si tamen conatus deprehensus, & foras suo indicio proditus. Ita in Adulterijs, Sulla puniuit voluntatem, si quis tentasset. Idem proficario habet, si quis cum telo, hominis occidendi causa, ambulasset. Sed & in Ambitu, Arcadius & Honorijs Imperatores, pari sorte scelus, quād sceleris puniunt voluntatem. Magis in paricidijs, veneno, talibus. Quintiliarius Declam. CCLXXXI. Non enim tibi proderit dixisse, Non feci. Numquam mens exitu æstimanda est: satis est, probare animum paricidæ. Vide Maximum Tyrium in hac totâ re, Serm. II. Addo, Theologos quo/dam sic distinguere, ut quattuor faciant gradus in culpa: Obiectum, siue primum Motum, Luctam; Asfensem; & Actum. Duo priora extra culpam esse; altera, in culpa, atque etiam pœnâ, apud Deum quidem. Theodorus Balsamo, in Can. IIII. Concilij Neocæsariensis. Hæc ad ista Seneca haud importune dicta uberioris sunt.

CAP. VIII. 82. NEC PRODESSE.] Omnia enim sunt sapientis, Stoico scito. item, Seipso contentus est ad beatè viuendum. &, Nulla re eget. Vide au-

tem

sapiens autem vicinus proximusque dijs consistit,⁸³ exceptâ mortalitate, similis Deo. Ad illa nitens pergensque excelsa, ordinata, intrepida, æquali & concordi cursu fluentia, secura, benigna,⁸⁴ bono publico natus, & sibi & alijs salutaris, nihil humile concupiscet, nihil flebit, qui rationi innexus, per humanos casus diuino incedet animo. Non habet vnde accipiat iniuriam. ab homine me tantum dicere putas? nec à fortunâ quidem: quæ quotiens cum virtute congressa est, nunquam par recessit. Si maximum illud, ultra quod nihil habent iratae leges, aut saeuissimi domini, quod minentur, in quo imperium suum fortuna consumit; æquo placidoque animo accipimus, & scimus mortem malum non esse, ob hoc ne iniuriam quidem: multò facilitate alia tolerabimus, damna, dolores, ignorinias, locoruim commutationes, orbitates, discidia. quæ sapientem, etiam si vniuersa circumueniant, non mergunt; nedum ad singuloruim impulsus mæreat. Et si fortunæ iniurias moderatè fert: quanto magis hominum potentium, quos scit fortunæ manus esse? Omnia itaque sic patitur,⁸⁵ ut hie mis rigorem, vt intemperantiam cæli, vt ferores morbosque, & cetera sorte accidentia. Nec de quoquam tam benè iudicat, ut illum quicquam putet consilio fecisse:⁸⁶ quod in uno sapiente est. aliorum omnium non consilia, sed fraudes, & insidiæ, & motus animorum inconditi sunt: quos casibus adnumerat. Omne autem fortuitum citra nos saeuit,⁸⁷ & iniuriatur. Illud quoque cogita, iniuriarum latissimè patere materiam illis, per quæ periculum nobis quæsitum est: vt accusatore submissio, aut criminatione falsa, aut irritatis in nos potentiorum motibus, quæque alia⁸⁸ inter togatos latrocinia sunt. Est & illa iniuria frequens, si lucrum alicui excausum est, aut præmium diu captatum; si magno labore affectata hereditas auersa est; & quæstuosæ domus gratia erupta. hæc effugit sapiens, qui nescit nec in spe, nec in mente viuere. Adiace nunc, quod iniuriam nemo immotâ mente accipit, sed ad sensum eius perturbatur: caret autem perturbatione vir eretus: moderator sui, altæ quietis & placidæ. Nam si illum tangit iniuria;⁸⁹ & mouet, & impedit. caret autem irâ sapiens, quam excitat iniuriæ species: nec aliter careret irâ, nisi & iniuriâ, quam scit sibi non posse fieri. Inde tam eretus latusque est, inde continuo gaudio elatus, adeò ad offendiones rerum hominumque non contrahitur, vt ipsa illa iniuria usui sit, per quam experimentum sui capit, & virtutem tentat. Fauemus, obsecro vos, huic proposito, æquisque & animis & auribus assimus, dum sapiens iniuriæ excipitur: nec quicquam ideo petulantiae nostræ, aut rapacissimis cupiditatibus, aut temeritati superbiæque detrahitur. Saluis vitis vestris, hæc sapienti libertas queritur. non vt vobis facere non liceat iniuriam, agimus: sed vt ille omnes iniurias⁹⁰ in altum dimittat, patientiaque se ac magnitudine animi defendat.

*tem de hac re ex professo VII. De Benefic. cap. IIII.
& sequentibus, An sapiens beneficium possit accipere? fatetur commun modo & sensu, propriè negat. Vide.*

83. EXCEPTA MORTALITATE.] O superbè! Sed sic Stoici, & noster alibi: Solo tempore sapiens à deo differt. Et Cicero eorum mente & verbis, De Nat. deor. II. E virtutibus vita beata exsistit, par & similis deorum, nullâ re, nisi immortalitate, cedens cælestibus. *Vide epist. LIII. & LIX.*

84. BONO PVBLICO.] Hæc olim nos correximus, & est formula in Principum laudem crebra in lapideis monumentis. Notant primis litteris: B. P. N. vel B. R. P. N. quod valet, Bono reip. natus. Velim & priora legi: securus, benignus.

CAP. IX. 85. VT HIEMIS.] Apud Tacitum Cerealis, ad nostros Gallos: Quomodo sterilitatem, aut nimios imbres, & cetera naturæ mala; sic luxum vel avaritiam dominantium tolerate. Cicero, apud Dionem lib. XLIV. Quæ euenerunt, tanquam

nimios imbres aut grandines euenisce rati, obliuioni mandate.

86. QVOD IN UNO.] Stoicè. nam ceteri omnes stulti, & insanunt.

87. ET INVRIATVR.] Displacuit Murero, & totum recidit: quis probet? Scripti, & inuitia, vel iniuria habent: ego legam, citra nos saeuit, etiam iniuria. Argumentatur dicam, an argutatur? Sapiens fortuita fert, & quidquid non consilio euenit: ergo & iniuriam, quia ea à stultis, quibus non est consilij copia.

88. INTER TOGATOS.] Lites, fraudes, calumnia, quibus fortuna aut vita petitur, in foro exercentur, vel in aulâ: idque ab inermibus & togatis, solo lingue telo.

89. ET MOVET.] Ratiocinatio obscurior, sed ista: Iniuria ad quem venit, eum mouet; sapiens non mouetur; ergo non ad eum. Noster de Irâ III. cap. XXV. Qui non irascitur, inconcussus iniuriâ persistit: qui irascitur, motus est.

90. IN ALTVM.] Quomodo? ut in peccatis recordat, & afficeret? non conuenit. Mens liber, in alitu. Et

x.

Afendat. Sic in ⁹¹ certainibus sacrīs, ⁹² plerique vicēre, cādētūm manus obstinatā patientiā fatigando. Ex hoc puta genere sapientem eorum, qui exercitatione longā ac fidelī, robur perpetiendi lassandiō om̄nem inimicam vim consecuti sunt. Quoniam priorem partem percurrimus, ad alteram transeamus: in quā quibusdam proprijs, plerisque verò communib⁹ contumeliam refutabimus. Contumelia est minor iniuria, quam queri magis ⁹³ quā exsequi possimus, quam leges quoque nullā dignam vindictā putauerunt. Hunc affectum mouet humilitas animi, contrahentis se, ob factum diētūmque inhonorificum. Ille me hodie non admisit, cūm alios admitteret: sermonem meum aut superbē auersatus est, aut palām risit: & non in ⁹⁴ medio me loco, sed imo collocauit: & alia huius notæ. Quæ quid vocem, nisi querelas naufragantis animi, in quas ferè delicati & felices incident? non vacat enim hæc notare, cui peiora instant. Nimio otio, ingenia naturā infirma & muliebria, & inopiā veræ iniuriæ lascivientia, his commouentur: quorum pars maior constat ⁹⁵ vitio interpretantis. Itaque nec prudentiæ

Bquicquam in se esse, nec fiduciæ ostendit, qui contumeliā afficitur. non dubiè enim contemptum se iudicat: & hic morsus non sine quadam humilitate animi euénit, suppri- mentis se ac descendantis. Sapiens autem à nullo contemnitur, magnitudinem suam nouit: nulliq̄ue tantum de se licere, ⁹⁶ renunciat sibi: & omnes has quas non miseras animoruīn, sed molestias dixerim, non vincit, sed ne sentit quidem. Alia sunt quæ sapientem feriunt, etiam si non peruerunt: vt dolor corporis, & debilitas, aut amicorum liberorumque amissio, & patriæ bello flagrantis calamitas. Hæc non nego sentire sapientem. nec enim lapidis illi duritiam ferrive asserimus. nulla virtus est, ⁹⁷ quæ non sentias, perpeti.

Quid ergo est? Quosdam iēctus recipit: sed receptos euincit, sanat, & comprimit. hæc verò minora ne sentit quidem, nec aduersus ea solitā illā virtute vtitur dura tolerandi: sed aut non annotat, aut digna risu putat. Præterea, cūm magnam partem contumeliarum superbi insolentesque faciant, & malè felicitatem ferentes: habet quo illum affectum inflatum respuat, pulcherrimam virtutem omnium, ⁹⁸ animi sa-

xi.

Cnitate, magnitudinemque illa, quicquid huiusmodi est, transcurrit, vt vanas somniorum species, visusque nocturnos, nihil habentes solidi, neque veri. Simul illud cogitat, omnes inferiores esse, quām vt illis audacia sit, tanto excelsiora despicer. Contumelia à contemptu dicta est: quia nemo, nisi quem contempsit, tali iniuriā notat, nemo autem maiorem melioremque contemnit, etiam si facit aliquid quod contemnentes solent. Nam & pueri os parentum feriunt, & crines matris turbauit lacerauitq; infans, & sputo aspersit, aut nudauit in conspectu suorum tegenda, & verbis obsecenoribus non perpercit: & nihil horum contumeliam dicimus. quare? quia qui fecit, contemnere non

potest.

tu. Et posset, in alto, legi: quasi ipse in alto & sublimis, dimittat iniurias spernatque, sed verius, inultus, vna voce. Non timete, inquit, vos procaces & iniuriosi: non accipit iniurias, nec agnoscit quidem, & sine vindictā transit.

D 91. CERTAM INIBVS SACRIS.] Ita dicit Gracie agones, quia dīs vel heroib⁹ sacraii. Ausonius:

Quatuor antiquos celebrauit Achaia ludos, Cælicolūm duo sunt, & duo festa hominum. Sacra Iouis, Phœbiique, Palæmonis, Archemoriique.

Serta quibus pinus, malus, oliua, apium.

92. PLERIQUE.] Pugiles nempe, quorum celebre ibi spectamen.

CAP. X. 93. QVAM EXSEQVI.] Vindicare, vltisci. Suetonius Iulij cap. LXVII. Vespasiani XIIII. Seneca de Irā I. cap. XII. & plures.

94. MEDIO ME LOCO.] Qui honestissimus, in ambulando, sedendo, accubando. Alij libri, lecto: vt & meus ille bonus. Ac sane medius lectus honestissimus item fuit, ex Plutarchi Quest. Conuinial. lib. I.

Quest. III. quem vide. Si non eō refers, lege: medio me lecti. Ad sententiam autem, similia habes III. De Irā, cap. XXXVII.

95. VITIO INTERPRETANTIS.] Qui in contemptum scilicet & deteriorem partem irahimus: boni in meliorem. vt Aristippus ille, Dionysio se in imo locanti: Hunc, inquit, locum ô rex illustrem & honestum deinceps vis reddere.

96. RENVNCIAT SIBI.] Sibi dicit. Consol. ad Polib. Potest ista res à luctu te prohibere, si renunciueris tibi, nihil horum quæ facis posse subduci. Fabius lib. XII. Sed ij primum renuncient sibi, quanta sit ingenij humani vis. Terentius: Id ego iamnunc tibi here renuntio futurum.

97. QVÆ NON SENTIAS.] Eā mente Plato Diogeni Cynico, in frigore statuam marmoream nudo corpori applicanti, Numquid sentis? & negante illo, Quid ergo magnum facis?

CAP. XI. 98. ANIMI SANITATEM.] Propriam sapientus, cūm alijs scilicet stulti, id est insani. Quid autem ea est? recta decreta animi, duce Ratione.

99. MAN-

poteſt. Eadem cauſſa eſt, cur nos⁹⁹ mancipiorum noſtrorum vrbanaſtas, in dominoſ A contumelioſa, delectet: quoruſ audacia ita demum ſibi¹⁰⁰ in conuiuas iuſi facit, ſi coe- pit à domino. Ut quiſque contemptiſſimus, & vt maximè ludibrio eſt, ita ſolutiſſimæ linguae eſt.¹⁰¹ Pueros quidem in hoc mercantur procaceſ, & eoruſ impudentiam a- cuunt, & ſub magiſtro habent, qui probra meditatè effundant: nec haſ contumelias vocamus, ſed argutias. Quanta autem dementia eſt, iſdem modò delectari, modò offendri: & rem ab amico dictam, maledictum vocare, à feruulo, ioculare conuicium? Queim animuſ nos aduersuſ pueros habemuſ, hunc sapiens aduersuſ omnes, quibus etiam poſtiuuentam canoſque¹⁰² puerilitas eſt. An quicquā iſti profecerunt, quibus animi mala ſunt, auetique in maiuſ errores, qui à pueris magnitudine tantuſ forma- que corporuſ differunt: ceteruſ non ininiu vagi incertiſque, voluptateſ ſine dilectu appetenteſ, trepidi, & non ingenio, ſed formidine quieti? Non ideo quicquā, inter il- los puerofque, intereſſe quiſ dixerit, quod¹⁰³ illiſ taloruſ nucumque & æriſ minuti auaritia eſt; hiſ aurī argentiſque & vrbium: quod illi inter ipſos magiſtratus gerunt, & B praetextam¹⁰⁴ fasceſque ac tribunali imitantur; hi eadem in campo foroque & in curia ludunt.¹⁰⁵ illi in littoriuſ arenâ congeſta ſimulacra domuum excitant; hi ut magnum aliquid agentes, in lapidiuſ ac parietibuſ, & tectiſ moliendiſ occupati, ad tutelam cor- poruſ inuenta,¹⁰⁶ in periculum verterunt. Ergo par pueris, longiuſque progressiſ, ſed in alia maioraque error eſt. Non immerito itaque horuſ contumelias sapiens, vt iocoſ, ac- cipit: & aliquando illoſ, tamquam pueros, malo poenaque admonet, & afficit: non quia accepit iniuriā, ſed quia fecerunt, & vt defiſant facere. Sic enim & pecora ver- bere domantur: nec iraſcimur illiſ, cum ſefforem recuſauerint: ſed compescimur, vt dolor contumaciā vincat. Ergo & illud ſolutum ſcieſ, quod nobis opponitur, Quare fi non accepit iniuriā nec contumeliam sapiens, punit eos qui fecerunt? non enim fe- vlcifcitur, ſed illoſ emendat. Quid eſt autem, quare hanc animi firmitatem non credas in viruſ ſapientem cadere, cum tibi in alijs idem notare, ſed non ex eadē cauſa liceat? Quis enim phrenetico medicuſ iraſcitur? quiſ febricitantis, & frigidâ prohibiti maledicta, in malam partem accipit? Hunc affectu aduersuſ omneſ habet sapiens, quiſ aduersuſ ægros ſuoſ medicuſ: quoruſ nec obſcenā, ſi remedio egent, con- tractare, nec¹⁰⁷ reliquias &¹⁰⁸ effuſa intueri didignatur, nec per furorem ſauien- tium excipere conuicia. Scit sapiens, omneſ hoſ qui¹⁰⁹ togati purpuratiſque incedunt,

¹¹⁰ valen-
99. MANCIPIORVM.] Quo in genere Coprie, ut
in Suetoni Tiberio cap. LXI. Claudi, cap. VIII qui Sni-
da noſcipioſi audeſec, & Aristophani, initio Ireneſ, no-
tegloγοι. Vbi Scholiaſtes vult Rhetoras notari, ως
μυταεγνηλοιδόερε: ut ſcedos & cōuiciatores.
100. IN CONVIVAS.] Nam hoc genus in mensis. Pli-
nius lib. IX. epift. XVII. ſcurre, cinedi, morioneſ me-
fis inerrabat. Linius XXXIII. Cum in publico epu-
latus domū reuerteretur, proſequētibus mollibuſ
viris, qui ioci cauſſa conuiuio celebri interfuerant.

101. PUEROS QVIDEM.] Statius:
Non ego mercatus Phariā de puppe loquaces
Delicias, doctumque ſui CONVICIA Nili
Infantem, LINGVAQ VE ſimul SALIBVSQ VE
PROTERVVM.

Imo & conuiuas tenuiores, ſportule largitione quaſi
emebant, vt iſ ferrent. Lucanus, ſine quis auctor
carminis ad Pifonem:

Sed miſerum, (clientem) paruſtipe muneraſ,
vt pudibundoſ

Exercere ſales inter conuiua poſſit.

CAP. XII. 102. PVERILITAS EST.] Seneca epift. IV.
Maiuſ gaudium exſpecta, cum te Philosophia in
viroſ transſcriperit. Adhuc enim non pueritia in
nobis, ſed, quod eſt grauius, puerilitas remanet.

103. ILLIS TALORVM.] Noſter epift. CXV. Quid

interest? niſi quod nos circa ſtatuaſ & tabulaſ in-
fanimmoſ, cariuſ inepti? Illoſ reperti in litore calcu-
li delectant: noſ ingentiū maculae columnarum.

104. FASCEſQUE AC TRIB.] Spartianus in Se-
nero: In primā pueritiā nullum alium ludum, niſi
ad Iudiceſ exercuit: cum ipſe pralatiſ fascibuſ ac
ſecuribuſ, ordine pueroruſ circumſtantē, iudi-
careſ. Plutarchus in Catone: Ludus erat, iudicia,
accuſationeſ, damaſtoruſ abductioneſ.

105. ILLI IN LITTORIBVS.] Proſuſ ad hoc Ho-
mericum Iliad. o. vers. 362. D

— αερε τις φαμαθον παιξάγχι θαλάſſον,
Ος τ' επει ἐν ποίσαι αθύρμata νιτιέντων,

Αὐτις συνέχενε ποσὶν ηλι χερσὸν, αθύρων:

— vt ludens puer accumulauit arenas
Littore in oceani, & varias finxit ſibi formeſ,
Mox manibuſ pedibuſque iteruム confundit
eaſdem.

Et quid aliud ille Diues, qui
Deſtruit, ædificat, mutat quadrata rotundiſ?

106. IN PERICVLVM.] Ob ruinas crebras, ex
mole & altitudine.

CAP. XIII. 107. RELIQVIAS.] Alui excremeſta.

108. EFFUSA.] Vesice.

109. TOGATI PURPURATIſQUE.] Non quia
Toga eſt purpura, ſed quia purpura praetexta, in magi-
ſtratuſ

A ¹¹⁰ valentes coloratosque, male sanos esse: quos non aliter videt, quam aegros intemperantes. Itaque ne succenset quidem, si quid in morbo petulantius ausi sunt aduersus mendem: & quo animo honores eorum nihil estimat, eodem parum honorificè facta. Quemadmodum non placet sibi, si illum mendicus coluerit, nec contumeliam iudicabit, si illi homo plebis ultimæ salutanti mutuam salutationem non reddiderit: sic nec se suspiciet quidem, si illum multi diuites susperirent. scit enim illos nihil à mendicis differre, immò miseriiores esse. illi enim exiguo, hi multo egent. Et rursus non tangetur, si illum rex Medorum, ¹¹¹ Attalusve Asiae, salutantem silentio ac vultu arroganti transfererit. scit statum eius non magis habere quicquam inuidendum, quam eius cui in magnâ familiâ cura obtigit, aegros insanosq; compescere. Num molestè feram, si mihi non reddiderit nomen aliquis ex his, qui ¹¹² ad Castoris negotiantur, nequam mancipia clementes vendentesque, quorum tabernæ pessimorum seruorum turbâ refertæ sunt? non, vt puto, quid enim is boni habet, sub quo nemo nisi malus est? Ergo vt huius humanitatem inhumanitatemque negligit, ita & regis. Habes sub te Parthos, Medos, & Bactrianos: sed quos metu contines, sed propter quos ¹¹³ remittere arcum tibi non continet, sed postremos, sed veniales, sed nouum aucupantes dominum. Nullius ergo mouebitur contumeliâ. Omnes enim inter se differunt: sapiens quidem pares illos, ob aequalem stultitiam, omnes putat. Iam si semel se de miserit eo, vt aut iniuriâ moueatur, aut contumeliâ; non poterit unquam esse securus: securitas autem proprium bonum sapientis est. Nec committeret, vt vindicando sibi contumeliam factam, honorem habeat ei qui fecit. necesse est enim, à quo quisque contemni molestè fert, suspici gaudeat.

Tanta quosdam dementia tenet, vt contumeliam sibi posse fieri putent à muliere. ^{xiv.}
Quid refert, quantum habeat, ¹¹⁴ quot lectorios, quam ¹¹⁵ oneratas aures, quam ¹¹⁶ la-

xam

C ¹¹⁰ stratis quidem. Alter etiam purpurati, quia ditiores Lacernas sumebant improbi coloris, vt ipse alibi appellat: id est è purpura totas. Martialis:

Illas purpureas & arrogantes,
Iussit surgere Lectius lacernas.

Satyricus: — cui circum humeros hyacinthina lana est.

^{110.} VALENTES COLORATOSQUE.] Muretus aliter, atque alio sensu, vocem valentes elecit. (eis in priscis sanè libris) & legit: inter coloratos maleque sanos esse. Itaque illud Coloratos ad pallorem, lurorem, aut morbi notas duxit. Nostra lectio & sensus (meo sensu) melior: Hi quos vides, inquit, facie valentes & benè tinctos, colore fortium; isti omnes male sanos sunt & aegri. Nempe à corpore valent, ab animo aegrotant. Ita Seneca, De Vita beat. cap. vii. Virtus puluerulenta, colorata, robusta est: Voluptas contraria, eneruis, pallida, fucata. Verba igitur Seneca, sic exaudienda quasi esset, valentes colorati-

D que: & possis ita legere, et si altera ordinatio item proba.

^{111.} ATTALVSVE ASIAE.] Reges Pergami primò, & posteà in parte minoris Asiae, plerique Attali dicti. Itaque quasi nomen commune, & imperij illius, inualuit: quasi dicam, Ptolomaeus Egypti, Antiochus Syriæ.

^{112.} AD CASTORIS.] Aly, ad castra. & scio quidem mangones secutos etiam castra, quia plerumque ibi mancipia venalia è praedâ. Sed hic de ipsâ urbe sermo: & rectè ad Castoris, id est templum, quod in Romano foro fuit: & iuxta, ut hinc discimus, taberna venalium seruorum. Sic enim acceperim, & de Mangonibus ipsis, qui nequam seruos vendunt emunive. At aly tamen, quasi de Seruis ipsis, qui

officine prefecti vendunt aut emunt. Verba sequentia damnant.

^{113.} REMITTERE ARCVM.] Quidam, animum: male. Nam ad morem Partborum regum respicit, quibus pro insigni Arcus, & simul ad terrorem. Dio libro XLIX. legatos Antonij à Phraate auditos scribit: cum ipse in aurea sella federet, neruum arcus pulsans, multisque verbis in Romanos inuectus. Statius, de novo rege, eiusq; insignibus:

Sumere tunc ARCVS, ipsumq; onerare veretur
Patris equum, visusque sibi nec sceptrâ capaci
Sustentare manu, nec adhuc implere tiaram.
Sed & Turcici reges tale. ac Busbequius olim noster, de Solymanno: Sedebat in solio humili, instrato, iuxta autem arcus & sagittæ.

CAP. XIV. ^{114.} QVOT LECTICARIOS.] Nam diuites, viri famineq; hexaphoro vel octophoro vehebantur: id est gestamine sex vel octo baulorum. At tenuiores, vel duobus contenti erant. Nos I. Elector. cap. de Lecticâ.

^{115.} ONERATAS AVRES.] Lucanus:
— colloque, comisque
Diuitias Cleopatra gerit, cultuque laborat.
Seneca, De Benefic. vii. cap. ix. Video vñiones, non singulos singulis auribus comparatos: iam enim exercitatae aures, oneri ferendo sunt. Claudianus: — colla monili
Circuit, & baccis onerat carentibus aures.

Horatius:
Nec sit marita, quæ rotundioribus
Onusta baccis ambulet.

^{116.} LAXAM SELLAM.] In qua feratur. Diuites enim è patentiore: ut in Martiali:
Laxior hexaphoristua sit lectica licebit.

Q 117. IM-

xam sellam? æquè¹¹⁷ impudens animal est, & nisi scientia accessit ac¹¹⁸ multa eruditio, A
 ferum, cupiditatum incontinens. Quidam se¹¹⁹ à cinerario impulsos molestè ferunt,
 & contumeliam vocant ostiarij¹²⁰ difficultatem, nomenculatoris¹²¹ superbiam,¹²² cubicularij supercilium. O quantus inter ista risus tollendus est, quantâ voluptate implendus animus, ex alienorum errorum tumultu, contemplanti quietem suam! Quid ergo? sapiens non accedit ad fores, quas durus ianitor obsidet? Ille verò, si res necessaria vocabit, experietur, & illum, quisquis erit,¹²⁴ tamquam canem acrem, obiecto cibo leniet: nec indignabitur aliquid impendere, vt limen transeat, cogitans &¹²⁵ in pontibus qui- busdam pro transitu dari. Itaque illi quoque, quisquis erit, qui hoc¹²⁶ salutationum publicum exercet, donabit: scit emere venalia. Ille pusilli animi est, qui sibi placet, quòd ostiario liberè respondit, quòd¹²⁷ virgam eius fregit: quòd ad dominum accessit,¹²⁸ & petijt corium.¹²⁹ Facit se aduersarium qui contendit, & vt vincat, par fuit. At sapiens colaphis percussus, quid faciet? quod Cato, cùm illi os percussum esset: non ex- canduit, non vindicauit iniuriam: ne renisit quidem, sed¹³⁰ factam negauit. Maiore B animo non agnouit, quām ignouislet. Non diu in hoc hærebimus. quis enim nescit, nihil ex his quæ creduntur bona aut mala, ita videri sapienti, vt omnibus? Non respicit quid homines turpe iudicent, aut miserum: non it quā populus: sed¹³¹ vt sidera con- trariuin mundo iter intendunt, ita hic aduersus opinionem omnium vadit. Definite itaque dicere: Non accipiet ergo sapiens iniuriam, si cædetur? si oculus illi eruetur? non accipiet contumeliam, si obscenorum vocibus improbis per forum agetur? si in¹³² con- uiuio

117. IMPUDENS ANIMAL.] Itane de feminis, ô An- nœ, & Paullina tua hac leget? Legat, res dicenda est. quam tecū & Cato, apud Linium lib. xxxiv. Impotēs naturā, & indomitū animal. Ante omnes Homerus:

Ω' ζεν αὐτότερον, ἡ πάντερον ἀλλογυναιδος:

Nil grauius, nil improbus, quām femina, viuit.

118. MVLTA ERVDITIO.] Vis tu igitur doctam & sciolam esse? Poëta & ratio negant: nec litteris ad virtutē, sed ad libidines & fraudes vti. At Seneca mēs de eruditione, Stoico sermone & sensu: id est, vt Philosophiā imbuatur, & scuerioribus illis studijs, non amanioribus formetur. Ita & vellet suam matrē sa- pientiē studijs imbutā: Consol. ad Helviam, cap. xvi.

119. FERVM.] Alius Seneca:

— nulla non melior fera est.

120. A CINERARIO.] Glossa: Cinerarius, δέλος ἕταιρες: amicę seruu. Idem est, qui Ciniflo, & ex- plicatur γυναικῶν κοσμητὴς, ornator mulierum. Itaque isti proximi Dominae, & sectabantur. Horatius: Custodes, lectica, ciniflones, parasiti.

*Vide Epi-
stol. Quæst.
i epist. xiiii

Tertullianus lib. ii. ad Vxor. Vnde, nisi à Diabolo, maritum petant, bonum exhibendę sellæ, & mu- labus, & cinerarijs peregrinae proceritatis? Impul- los igitur ab ijs significat, dum viam dominæ faciunt, velut priuati apparitores.

121. DIFFICVLTATEM.] Non admittentis.

122. SPERBIAM.] Nomentuum suggestere de- dignantis, aut non resalutantis.

123. CVBICVLARII.] Serui à cubiculo, & ad- missionibus interioribus.

124. TAMQ VAM CANEM.] Bona allusio. nam & ianitores canem alligatum iuxta ostium habebant; ad suscitandum: & ipsi catenā adstricti, vt canes. Itaque ostiarios canes idem noster dicit, De Irā III. cap. xxxvii.

125. IN PONTIBVS.] Vectigalis genus. de quo in Admirandis nostris aliquid, lib. ii. cap. i.

126. SALVTATIONVM.] Ita & meus optimus li- ber: alijs plerique, salutatorium, etiam benè, & codem

sensu. Publicum exercere dicuntur, qui vectigalia publica redimunt, inde Publicani. Nam Publicum, ipsa τελωνία, in Glossis. Seneca epist. cxi. Qui ad publica quoque accesserat. epist. cxx. Quod agi- tare in publicum. Plautus: Illa, non ego, habuit publicum. Facei autem sic appellat, quia pro admis- sione ad salutandum, pecunia dabatur. Iuuenalis: C - quid das, vt Cossum aliquando salutes? Publi- cum igitur salutationum; vt publicum salis, vini. quod exercet is, qui conduxit, & praefit.

127. VIRGAM EIVS.] Hanc gestabant, ad amo- liendum aut submuendum indignos, vel importunos. Arundinem plurimum fuisse Petronius indicat: Et arundinem ab ostio rapuit, iterumque nil respon- dentem mulcauit. Propertius:

Nec crepuit fissă, me propter arundine custos.

128. ET PETI IT CORIVM.] Id est, ait Muretus, petijt vt Hostiarius vapulet, & sibi de corio eius sati- fiat. Sensum non improbo, phrasim quis è Latio mihi præstat? Ego * olim volebam: petijt lorum. Nam loris siue flagellis serui vapulabant, atque ea hoc fine petebant. Plautus: Ite istuc, atque efferte lora. Ne- que nunc melius habeo: et si libri aliter è quibus meus, accessit petens corium: quidam, accessit petito- rium: alijs, petijt tornum, ex quo nonnemo torum. D quasi esset, rectā accessit ad dominum decumbentem.

129. FACIT SE ADV.] Id est, Quisquis opponit se, idem & componit: & quamvis superet, in aquo cum eo stetit.

130. FACTAM NEGAVIT.] Hoc tale fuit. Per- cusit aliquis Catonem in balneo insciens. Excusanti, & satisfaciendi, Cato, Non memini, inquit, me per- cussum. Vide. De Irā II. cap. xxxii.

131. VT SIDERA.] Planeta, vel errones.

CAP. XV. 132. CONVIVIO REGIS.] Ita appella- bant, potentiē aliquem, & quem colebant ac secessabat. An ad Caligula etiam factum allusum, qui Pompo- nium Secundum, tunc Consulem, publico epulo ad pedes suos sedere iussit, ibique cibum capere?

133. CYM

A conuiuio regis, recumbere infra mensam, vesci quecumque¹³³ cum seruis ignominiosa officia fortitis iubebitur? si quid aliud ferre cogetur eorum, que excogitari pudori ingenuo im-| lesta possunt? In quantumcumque ista vel numero, vel magnitudine creuerint, eiusdem naturae erunt. Si non tangent illum parva, ne maiora quidem: si non tangent pauca, ne plura quidem. Sed ex imbecillitate vestra conjecturam capitum ingentis animi: & cum cogitatis, quantum putetis vos pati posse, sapientis patientiae paullò ulteriore termi-| num poritis. At illum in alijs mundi finibus sua virtus collocavit, nihil vobiscum com-| mune habentem. Quare etsi aspera, & quantumcumque toleratu grauia sint, auditu-| que & visu refugienda, non obruetur eorum cœtu: & qualis singulis, talis vniuersis ob-| sistet. Qui dicit illud tolerabile sapienti, illud intolerabile, & animi magnitudinem in-| tra certos fines tenet: male agit. vincit nos fortuna, nisi tota vincatur. Nec putes istam Stoicam esse duritiam: Epicurus, quem vos patronum inertiae vestræ assumitis, putatis-| que mollia ac desidiosa præcipere, & ad voluptates ducentia: ¹³⁴ Rarò, inquit, sapienti in-

B teruenit fortuna. Quam pœnè emisit viri vocem! Vis tu fortius loqui, & illam ex toto submouere? Dominus haec sapientis angusta, sine cultu, sine strepitu, sine apparatu, nullis obseruatur ianitoribus, turbam¹³⁵ vernali fastidio digerentibus: sed per hoc limen va-| cuum, & ab ostiariis liberum, fortuna non transit. scit¹³⁶ non esse illic sibi locum, ubi sui nihil est. Quod si Epicurus quoque, qui corpori plurimum indulxit, aduersus iniuriias exsurgit: quid apud nos incredibile videri potest, aut supra humanæ naturæ men-| suram? Ille ait iniurias tolerabiles esse sapienti, nos iniurias non esse. Nec est, quod

xvi.

dicas hoc naturæ repugnare. Non negamus¹³⁷ rem incommodam esse, verberari & im-| pelli, & aliquo membro carere: sed omnia ista negamus iniurias esse. non sensum illis doloris detrahimus: sed nomen iniuriæ, quod non potest recipi virtute saluâ. Vter ve-| riū dicat, videbimus: ad contemptum quidem iniuriæ utique consentit. Quæris quid inter duos intersit? Quod inter gladiatores fortissimos. quorum alter premit vulnus, & stat¹³⁸ in gradu; alter respiciens ad clamantem populum, significat nihil esse, &¹³⁹ in-

C tercedi non patitur. Non est, quod putes magnum, quo dissidemus.¹⁴⁰ Illud quidem agitur, quod vnum ad nos pertinet, utraque exempla hortantur contemnere: & iniurias, & quas iniuriarum umbras ac suspiciones dixerim, contumelias. ad quas despiciendas non sapienti opus est viro, sed tantum conspiciente, qui sibi possit dicere: Vtrum merito mihi ista accident, an immerito? Si merito, non est contumelia, iudicium est. si im-| merito: illi qui iniusta facit, erubescendum est. Et quid est illud, quod contumelia di-| citur? in capitib[us] mei¹⁴¹ levitatem iocatus est, & in oculorum valetudinem, & in crurum gracilitatem, & in staturam. Quæ contumelia est,¹⁴² quod appetit, audire? Coram uno

aliquid

^{133.} CVM SERVIS.] Qui non in lecto, sed in subsellio iuxta lectum, sedentes solent vesci. Donatus in vi-| tâ Terentij: Iussus ante Cœcilio recitare, ad cœnam-| tem cum venisset, quod erat contemptiore vesti-| tu, subsellio iuxta lectulum residēs legisse dicitur.

D Post paucos verò versus, inuitatus ut accumberet, cœnasse vñā. Apud Plautum, serui, in Sticho:

Potius in subsellijs Cynicè accipiemur, quam in lecto.

Apud eundem Parafitus:

Non postulo equidem med in lecto accubere, Scis tu med esse imi subsellij vitum.

^{134.} RARÒ SAPIENTI.] Id est, non sèpè eum inter-| pellat, adit, donat, auferit, aut ius in eum habet. Est hoc ipsum, quod Vitruvius Prefatione libri VI. Epicurus, inquit, non dissimiliter: Pauca sapientibus Fortu-| nam tribuere; quæ autem maxima & necessaria sunt, animi mentisque cogitationibus gubernari.

^{135.} VÆNALI FASTIDIO.] Quidam libri, stu-| dio. sed illud placet. Intellegit disponi ab ipsis intran-| tes, & cum fastu ac fastidio eligi, ut quisque dedit

aut datus speratur. Vernali igitur, quia pro pecu-| niâ ponunt aut sumunt. Sunt illi canes, qui obiectâ offâ placantur, cap. superiore.

^{136.} NON ESSE.] Eius sensu, qui non admittit.

CAP. XVI. ^{137.} REM INCOMMODAM.] Inter Stoicorum δποδεγνημένα. Nam δεγνημένα, Comoda dicuntur.

^{138.} IN GRADU.] Non fugit, non item deicet se aut submittit.

^{139.} INTERCEDI.] A populo, qui solet in fau-| rabilis gladiatore preces interponere apud editorem, atque eum liberare. Vide Saturnal. nostra, lib. II. cap. XXII.

^{140.} ILLUD QVIDEM.] Alij libri, Illud quoque. Tu lege: Illud quo de agitur, quod vnum ad nos pertinet, utraque exempla hortantur.

^{141.} LEVITATEM.] Id est, caluitum. Tibullus:

— cui leuia fulgent

Ora, nec amplexus hispida barba terit.

^{142.} QVOD APPARET.] Quod in oculis est, & ab omnibus conspicitur.

aliquid dictum rideamus, coram pluribus indignamur: & eorum alijs libertatem non A
 relinquimus, quæ ipsi in nos dicere assueuimus. Iocis temperatis delectamur, immodicis
xvii. irascimur. Chrysippus ait quemdā indignatum, quòd illum aliquis¹⁴³ Veruecem ma-
 rinum dixerat. In senatu flentem vidimus Fidum Cornelium,¹⁴⁴ Nasonis generum, cùm
 illum Corbulo¹⁴⁵ Struthiocamelum¹⁴⁶ depilatum dixisset. Aduersus alia maledicta, mores
 & vitam conuulnerantia, frontis illi firmitas constitit: aduersus hoc tam absurdum la-
 crimæ prociderunt. tanta animorum imbecillitas est, vbi ratio discessit. Quid quòd of-
 fendimur, si quis sermonem nostrum imitatur, si quis incessum, si quis vitium aliquod
 corporis aut linguæ exprimit? quasi notiora illa fiant alio imitante, quæ nobis facien-
 tibus. Senectutem quidam inuiti audiunt, & canos, & alia, ad quæ voto peruenitur. Pau-
 pertatis maledictum quosdam perussit: quam¹⁴⁷ sibi obiecit, quisquis abscondit. Ita-
 que materia petulantibus, & per contumeliam urbanis detrahitur, si vltro illam & prior
 occupies. nemo alijs risum præbuit, qui ex se cepit. Vatinium hominem natum &¹⁴⁸ ad
 risum, & ad odium, scurrain fuisse venustum ac dicacem, memoriae proditum est. in B
¹⁴⁹ pedes suos ipse plurima dicebat, & in¹⁵⁰ fauces concisas: sic inimicorum,¹⁵¹ quos
 plures habebat quæ morbos, & in primis Ciceronis urbanitatem effugit. Si ille hoc po-
 tuit duritiâ oris, qui assiduis conuicijs defudere didicerat: cur is non possit, qui studijs
 liberalibus, & sapientiæ cultu, ad aliquem profectum peruerterit? Adijce, quòd genus
 vltionis est, eripere ei qui fecit contumeliam voluptatem. Solent dicere: *Miserum me, puto*
non intellectus! adeò¹⁵² fructus contumeliam in sensu, & indignatione, patientis est. Dein-
xviii. de non deerit illi¹⁵³ aliquando par: inuenietur, qui te quoque vindicet. C. Cæsar
 inter cetera vitia, quibus abundabat, contumeliosus mirabiliter ferebatur¹⁵⁴ omnes ali-
 quâ notâ ferendi, ipse materia risus benignissima. Tanta illi¹⁵⁵ palloris¹⁵⁶ insaniam te-
 stantis fœditas erat, tanta oculorum sub¹⁵⁷ fronte anili latentium toruitas, tanta capitis
 destituti, &¹⁵⁸ emendicatis capillis aspersi deformitas. adjice obfessam setis ceruicem, &
 exilitatem crurum, & enormitatem pedum. Immensum est, si velim singula referre, per

CAP. XVII. 143. VERVECEM MARINVM.] *Veruex, in stupidos & fatuos conuicium. In Plauto: O veruex! & alibi, Veruecium caput. Sed cur marinus? nugari displiceret, nescio. Sunt vituli, canes, porci marini, an & ones? Sed si ones: unde secessus illuc veruex? Itaque absurdus iocus est, & in hominem fatuum ipse fatuus. Alij libri veruecem maximum habent: sed alius verbi fuit.*

144. NASONIS GENERVM.] *Ouidij, que vox ipsa in meo & quibusdā libris addita. Filiam autē habuit, & quidē in Africā, tunc cū relegatus est. Ipse i. Trist. Nata procul Libycis aberat diuersa sub oris, Nec poterat fati certior esse mei.*

An cum hoc suo marito?

145. STRUTHIOCAMELV M.] *Hominem oblongum fuisse opinor, collo cruribusq; gracilem: ut hodie id genus Ardeas vocamus.*

146. DEPILATVM.] *An quia toto corpore nulli huic homini pili? & obiter notat inter molles vultusq; fuisse? Struthiocamelo quidem in capite caluities. de quâ Plinius: Quædam animalium naturaliter caluent, sicut Struthiocameli.*

147. SIBI OBIECIT.] *Qui dissimulare eam & tegere vult, ipse conspicuam magis facit, & materiem sermonum. Siue & hoc sensu: ipse eius se arguit, qui obiectam abnuit & sedulo negat. Nam diuites, in tali conuicio rideant, aliter sibi consig: isti ringuntur, & eo ipso agnoscunt.*

148. AD RISVM.] *Ex alijs capiendum. nam sequitur, venustum fuisse. Posset tamen & aliter: ut natus fuerit rideri, ob faciem & habitum; odio haberit, ob mores & vitia.*

149. PEDES SVOS.] *Podagrā enim laborabat.*

150. FAUCES CONCISAS.] *Strumis sapius exscitatis.*

151. QVOS PLVRES.] *Cicero in eum: Odio enim tui, et si omnes superare propter tuum in me scelus debeo, tamen ab omnibus ferè vincor.*

152. FRVCTVS CONTVMEL.] *Tertullianus, De Patientiâ, cap. v. Nempe iccirco quis te lædit, vt doleas: quia fructus omnis lædentis in dolore læsi est. Ergo cùm fructum eius cuerteris non dolendo, ipse doleat neesse est amissione fructus sui.*

153. ALIQVANDO PAR.] *Meus optimus: non deerit illi aliquando parem inuenire. Quæ germana est & elegans scriptura: ac vide quæ de hac phrasi III. De Irâ, cap. XXXVI.*

CAP. XVIII. 154. OMNES ALIQUA.] *Si D tenes, lege: feriendo. Sed libri melioris: Omnibus aliquâ notâ feriendis.*

155. PALLORIS.] *Suetonius: Staturâ fuit eminenti, pallido colore.*

156. INSANIAM TEST.] *Quia fædus pallor, & ab atrâ bile.*

157. FRONTE ANILI.] *Quiâne fortasse rugosâ? et si libri variant: & meus hautili; alijs, simul reperfunt. Ex quo ego olim simâ, id esset depresso & iacente: sed nunc verius habeo, sub fronte simili. Oculi, inquit, torui; & frons similis. Suetonius hoc approbat aperte: Fronte latâ & toruâ. Nam si anilis etiam aut rugosa fuisse, cur fileat?*

158. EMENDICATIS.] *Puto verum esse, & adsci-
tios exter nosq; crines tangi. An & ideo emenda-
tis,*

A quæ¹⁵⁹ in patres¹⁶⁰ auosque suos contumeliosus fuit, per quæ in vniuersos ordines: ea referam, quæ illum exitio dederunt.¹⁶¹ Asiaticum Valerium¹⁶² in primis amicis habebat, ferocem virum, & vix æquo animo alienas contumelias laturum. Huic in conuiuio,¹⁶³ item in concione, voce clarissimâ,¹⁶⁴ qualis in concubitu esset vxor eius, obiecit. Dij boni, hoc virum audire, Principem scire, & vsque eò licentiam pertienisse, vt non dico consulari, non dico amico, sed tantum marito Princeps & adulterium suum narret, & fastidium? Chæreç¹⁶⁵ tribuno militum, sermo¹⁶⁶ non pro manu erat,¹⁶⁷ languidus sono, &¹⁶⁸ infractâ voce suspectior. Huic Caius¹⁶⁹ signū petenti modò *Veneris*, modò *Priapi* dabat:¹⁷⁰ aliter atq; aliter exprobrans armato mollitiam. Hæc ipse¹⁷¹ per lucidus,¹⁷² crepidatus,¹⁷³ armillatus. Coëgit itaque illum vti ferro, ne sæpius signum peteret. Ille primus inter coniuratos manum sustulit: ille ceruicein medium vno ictu¹⁷⁴ dec̄dit: plurimum deinde vindique publicas ac priuatas iniurias vlciscentium gladiorum ingestum est, sed priimus vir fuit, qui minimè visus est. At idem Caius omnia contumelias putabat, & sicut ferendarum impatiens, faciendarum cupidissimus. Iratus fuit Herennio Macro, quod illum¹⁷⁵ *Caium* salutauerat: nec impunè cessit primipilario, quod *Caligulam* dixerat. Hoc enim in castris natus, & alumnus legionum vocari solebat, nullo nomine militibus familiarior vñquam factus: sed iam *Caligulam* coniunctione & probrum iudicabat¹⁷⁶ cothurnatus. Ergo hoc ipsum solatio erit, etiam si nostra facilitas vñtionem omiserit, futurum aliquem, qui poenas exigat à procace, & superbo, & iniurioso: quæ vitia numquam in vno homine, & in vnâ contumeliâ consumuntur. Respiciamus eorum exempla, quorum laudamus patientiam: vt Socratis, qui comediarum publicatos in se, & spectatos sales, in partem bonam accepit, risitque non minùs,

C tis, quia à loco ad locum quasi precariò traductis & dispositis, ad implendum? Quidam tamen libri, mendicatis, quod esset fuso tint̄is: at meus, capitis destituti, & enudati, totis cap. Suetonius: Capillo raro, & circa verticem nullo.

159. IN PATRES.] Omnes libri. non displiceat tamen cum Mureo, parentes. Certè & in matrem contumeliosus fuit: quam prædicabat ex incesto natam, quod cum Iuliâ filiâ Augustus commisisset: Suetonius.

160. AVOSQVE.] Agrippam, cuius se nepotem neque credi, neque dici, ob ignobilitatem eius volebat. Idem.

161. ASIATICVM.] De quo Tacitus x1. Annal. (& nos ibi) quémque præcipuum auctorem interficiendi C. Cæsar is ad firmat.

162. IN PRIMIS AMICIS.] Nam classēs erant amicorum, prima, secunda, tertia.

D 163. ITEM IN CONCIONE.] Credamne? et si enim omnia sœda conueniunt in hoc monstrum; vix tamen ea impudentia, vt in concione populi narrauerit adulteria. Et quæ occasio fuisset? aut si factum, cur non alias tam insigne hoc scripsit? Libri meus & alij: idem in concione. Fecerim, id est in conc. Seneca enim hoc schema & auxesis est, interpretans. In conuiuio, inquit, obiecit: quanto minus, quām in concione? Nam multi in Principum mensa conuiue, & sermones illi per populū statim diuulgati. Placebat etiam aliquando, item in cognitione: sed omitto.

164. QVALIS IN CONC.] Non grata, non id quod nolo dicere. Nam virium obiecisse, ex eo apparet quod sequitur, de fastidio.

165. TRIBVNO.] Meus, contribuno.

166. NON PRO MANV.] Mollis & languidus: cùm manus prompta & virilis.

167. LANGVIDVS SONO.] Alij, somno.

quām sed ad ipsum sermonem si refers, illud teneas: & verò tenendum est.

168. INFRACTA VOCE.] Vacillant libri. alij, infecta noxe: infacta nocens: meus, infacta noxe. Muretus ex Siculo: ni facta nosses. & probat, hoc sensu: Suspectior esse poterat, nisi facta nosses, quæ ab omni mollitie disidebant. Mibi incidebat, è meo: in facta vxoria: vt pathicum honestè notet. Alioqui, infracta vox, probo etiam sensu; atque ea parūm viros & eunuchos prodit.

169. SIGNVM PETENTI.] More militiæ, & vt Tribuno. Vide Suetonium, cap. LVI.

170. ALITER ATQVE ALITER.] Cùm Venerem ei signum daret, vt feminæ; Priapum, vt qui virum quæreret.

171. PERLVCIDVS.] Mollium vestis, aut feminarum. Iuuenalis:

Acer & indomitus, libertatisque magister, Cretice pelluces.

Vide Senecam, epist. CXV. atque alibi.

172. CREPIDATVS.] In soleis, item famineum.

173. ARMILLATVS.] A Pinciani conjecturâ est, cui fulcrum hoc Suetoni: Manuleatus & armillatus in publicum processit. Liber tamen meus, & plerique, auratus. quod item mulierum: vt in Propertio, Hæc nunc auratâ cyclade verrit humum. De Armillis tamen, quis etiam abnuat? & cultus ille inter parūm viriles.

174. DECIDIT.] Ita libri. sed mallet Pincianus discidit. Vide Suetonium.

175. CAIVM.] Proprio nomine (et si ita tunc solet:) non autem Imperatorem, aut Cæarem.

176. COTHVRNATVS.] Est à Pinciano diuinante, sed rem profecto tangente. Nam libri, conturbatus. Suetonius: Modò in crepidis, vel cothurnis, modò speculatoriâ caligâ conspectus est.

quām cūm ab vxore Xanthippe immundā aquā perfunderetur.¹⁷⁷ At Iphicates, cui A
mater barbara & Thressa obijciebatur, respondit, & deorum matrem *Idem esse*.

xix. Non est in rixam colluētationemque veniendum. procul auferendi pedes sunt: &
quidquid horum ab imprudentioribus fiet (fieri autem nisi ab imprudentibus non po-
test) negligendum. Ethonores & iniuriaē vulgi, in promiscuo habendi sunt: nec his do-
lendum , nec illis gaudendum. Alioquin multa , timore contumeliarum aut tādio , ne-
cessaria omittemus: & publicis priuatissimis officijs , aliquando etiam salutaribus , non
occurremus, dum muliebris nos cura angit, aliquid contra animū audiendi : aliquan-
do etiam obirati potentibus , detegemus hunc affectum intemperanti libertate. Non est
autem libertas, nihil pati. Fallimur. libertas eū , animū¹⁷⁸ opponere iniurijs, & eum
facere se, ex quo solo sibi gaudenda veniant: exteriora deducere à se , ne inquieta agenda
sit vita , omnium risus , omnium linguas timenti. Quis est enim, qui non possit contu-
meliam facere ,¹⁷⁹ si quisquam potest? Diuerso autem remedio vtetur sapiens , affecta-
torque sapientiae. Imperfectis enim , & adhuc ad publicum se iudicium dirigenib[us], hoc B
proponendum est, inter iniurias ipsos contumeliasque debere versari. Omnia leuiora ac-
cidunt exspectantibus. quō quisque honestior genere , famā , patrimonio est, hoc se for-
tiū gerat: memor,¹⁸⁰ in primā acie altos ordines stare: contumelias & verba probroſa ,
& ignominias , & cetera dehonestamenta , velut clamorem hostium ferat, & longinqua
tela , & saxa sine vulnere circa galeas crepitantia . Iniurias verò , vt vulnera,¹⁸¹ alia armis ,
alia¹⁸² pectori infixa , non deiectus , ne motus quidem gradu , sustineat . Etiam si preme-
ris , & infestā vi vrgeris , cedere turpe est: assignatum à naturā locum tuere. Quāris quis
hic sit locus? viri. Sapienti aliud auxilium est huic contrarium. Vos enim rem geritis: il-
li parta victoria est. Ne repugnate vestro bono , & hanc spem , dum ad verum peruenitis ,
alite in animis: libenterque meliora excipite , & opinione ac voto iuuate. Esse aliquem in-
uictum , esse aliquem in quem nihil fortuna possit , è Republicā humani generis est.

^{177.} AT IPHICRATES.] *Vix videtur. quia pa-*
rem ei futorem, & ignobile id genus tribuunt: at non
de matre, quod sciam. Neglibi libri eō ducunt, qui melio-
res Antistheni mater barbara, habent. Sic ergo lega-
tur, Pinciano etiam indice: & Diogene, in vitā Anti-
sthenis, auctore. Ελέγετο δὲ εἰς τὴν Ἰδαγρίνην. οὐδε-
ποδέ τὸν ὄντα εἰς τεῖν, καὶ οὐ μήτηρ τῆς Θεῶν Φρυ-
γία εἰς τὸν ὄντα εἰς τὴν Θράτην μηδέος: Dicebatur νό-
esse legitimus ciuis Atheniensis. quod cūm obji-
ceretur, reposuit. Et deorum mater Phrygia fuit.
Opinio enim erat Thressa matre natum esse.
Tribuit eidem & Plutarchus, in extremo De exsil.

CAP. XIX. 178. OPPONERE IN IVRIIS.]
Meus & quidam, supponere: alij, superponere.

Nequis illud prius male fortasse. quia non tam vult C
nos opponi, & resistere iniurijs; quām subiici, & pa-
tiendo vincere.

^{179.} SI QVISQVAM.] *Est ex Publiano illo imi-*
tatum: Cuius potest accidere , quod cuiquam
poteſt. Sensus: Nemo tam viliis , tam impotens , qui
iniuriam non posſit facere ; si admittimus, quemquam
posſe. Omnes, si unus. Alij tamen rescribunt , si quid-
quam , me non fauente.

^{180.} IN PRIMA ACIE.] *Nam ibi Centuriones,*
& milium primi. Vide Milium nostram, lib. III.

^{181.} ALIA ARMIS.] *Allegorice, rebus & opibus,*
que nos ambiunt.

^{182.} PECTORI.] *Ipsis nobis, corpori.*